

10. fundur framkvæmdateymis Snæfellsbæjar haldinn 7. febrúar 2023 í fundarsal Ráðhússins og hófst hann kl. 09:00.

Mætt: Kristinn Jónasson, Vagn Ingólfsson, Matthías Páll Gunnarsson, Ævar Sveinsson og Björn Arnaldsson. Leifur er veikur og Ragnar veðurtepptur. Lilja Ólafardóttir ritaði fundargerð.

- 1) Baldvin Leifur komst ekki á fundinn, en sendi neðangreinda punkta um það sem var framkvæmt á hans vegum í janúar:
 - a) Í Engihlíð 16a var lagt parket, málað, endurnýjaðar flísar og settar nýjar hurðar.
 - b) Í Félagsheimilinu Klifi var sett upp eldhúsinnrétting í bláa salnum ásamt því að hitt og þetta smærra var lagfært og framkvæmt.
 - c) Í Klifi var endurnýjuð lýsing í stóra salnum (LED) og nýir dimmerar.
 - d) Í leikskólunum var lagfært ýmislegt sem hefur verið kallað eftir.
 - e) Á Jaðri voru settar upp gardínur, vatnsvél færð og lagt vatn að henni. Til stendur að breyta uppsetningu á skrifstofunni og mála hana.
 - f) Öðrum smærri verkefnum var sinnt eftir því sem þau komu upp.

- 2) Björn fór yfir framkvæmdir á vegum Hafnarsjóðs:
 - a) Framkvæmdir við þekju og lagnir á Norðurtanga í Ólafsvík halda áfram, unnið var við frágang í masturshúsi að innan og er honum lokið. Verið er að undirbúa vinnu við vatns og rafmagnsbúnað inni.
 - b) Endurbætur á hafnarhúsinu í Ólafsvík halda áfram, verið er að undirbúa næsta áfanga sem er viðbygging og framkvæmdir innan húss.
 - c) Vinna við dýpkunarframkvæmdir í innsiglingunni til Rifshafnar er stopp eins og áður hefur komið fram.
 - d) Búið er að hanna og teikna stækkun og hækkun á trébryggju við gafl stálpils við Norðurtanga í Ólafsvík. Útboði vegna efniskaupa á harðviði er lokið og bærust 2 tilboð og er lagt til að samið verði við Gilmour & Aitken í Skotlandi. Útboði vegna efniskaupa á festingaefni þ.e. boltum, snittteinum o.þ.h. er lokið og bærust 4 tilboð. Verið að fara yfir tilboðin. Þá er verið er að vinna við verklýsingu og útboðsgögn.
 - e) Verið er að undirbúa endurbætur á götulýsingu á hafnarsvæði Ólafsvíkurhafnar við Norðurtanga og Gilbakka í Ólafsvík.
 - f) Vegagerðin hefur lagt fram tillögu að endurbótum á sjóvörn við Marbakka í Staðarsveit og rætt hefur verið við húseigendur um málið og er beðið eftir viðbrögðum frá þeim.
 - g) Vegagerðin bauð út þann 16.01. s.l. framkvæmdir við 3 sjóvarnaverkefni í Snæfellsbæ þ.e. við Ólafsbraut og Ennisbraut í Ólafsvík og á Hellnum. Tilboðin voru opnuð þann 31.01. s.l. og bærust 3 tilboð. Verið er að fara yfir tilboðin.

- 3) Matthías fór yfir
 - a) Búið að setja upp upplýsingaskjá í anddyrinu í íþróttahúsinu í Ólafsvík.
 - b) Búið að skipta um ljós í búningsklefum í íþróttahúsinu í Ólafsvík.
 - c) Búið að gera við tjöldin í íþróttasalnum í íþróttahúsinu í Ólafsvík.

Ólaf Sveinsson

MPC

Vagn F
BA
AS

- d) Farið með ísvelina í íþróttahúsinu í viðgerð og búið að laga vatnsfontinn.
- e) Í sundlaugarkjallaranum var töluvert af aflögðum lögnum og búið er að skera þær niður
- f) Varmaskiptirinn stóri var einangraður og hreinsaður varmaskiptir á varmadælu.
- g) Gengið frá öllu ófréngnu rafmagni í gangi.
- h) Settur stærri varmaskiptir á innisundlaugina.
- i) Í tölvumálum, þá var endurnýjað wífi í Ráðhúsinu og leikskólanum í Ólafsvík og til stendur að gera það sama í leikskólanum á Hellissandi.
- j) Það var mokað af þaki íþróttahússins í Ólafsvík. Í suðausturhorninu lekur og einnig hefur grafið undan hellum við bílskúrshornið svo þar lekur inn. Þetta þarf að laga í vor, bæði bæta undir hellurnar og þétta á milli hellna.
- k) Það var skipt um vatn í heita pottinum úti, ásamt öðru tilfallandi.
- 4) Vagn fór yfir framkvæmir í skólamannvirkjum:
- a) Búið að vera mjög mikill snjómokstur í janúar.
- b) Búið að vera að taka í gegn ritarahebergið í Ólafsvík. Það er að verða mjög fínt.
- c) Verið að vinna í litlu salerni í gamla skólanum í Ólafsvík. Þar á að útbúa geymslu fyrir tölvu og tölvubúnað, en salernið hefur verið nýtt sem geymsla undanfarin ár.
- d) Verið að leita leiða með lekann á frárennsli frá eldunarofnum og líklegast hefur það leysts í gær með aðstoð píparans. Margra ára leki hefur hins vegar sett mark sitt á dúkinn, sem er að verða búinn og þarfnast endurnýjunar. Það er líka búið að vera að skoða loftunina í eldhúsinu, það þarf að hafa samband við rafvirkjann til að skoða það betur.
- e) Anddyrið í Ólafsvík hefur lekið í mörg ár, en líklegast búið að finna orsökina núna. Áfellan í vestur nær bara upp á fyrstu hábáru og þar skefur undir. Þyrfti að fá áfelli sem nær á 2-3 hábáru og yfir lágbáru, þá leystist þetta lekavandamál eflaust. Spurning um að gera þessa tilraun sem allra fyrst. Rennan fyllist jafnframt alltaf og spurning hvort það væri ekki sniðugt að fá hitaþráð þar til að losna við snjóstíflur og klaka eftir leysingar.
- f) Það hefur svo tími farið í hitt og þetta smálegt.
- 5) Ævar fór yfir framkvæmdir:
- a) Jólatrið og frágangur jólanna tekur alltaf 10 daga í janúar.
- b) Eldri borgarhúsið hefur tekið töluverðan tíma en gengur vel. Það verður farið í pípulagnir og raflagnir vonandi í þessari viku og eins er búið að fá aðila í að ljúka við húsið að utan. Búið er að fá verkataka í að ganga frá húsinu inni.
- c) Veðrið hefur sett svip á mánuðinn, bæði snjómokstur, hálkueyðing og svo hafa heimtaugar frosið í Hellissandi, Rífi og Arnarstapa og tími hefur farið í að leysa það.
- d) Það gerði asahláku og rigningu í janúar á sama tíma og var stórstreymt og olli það vandamálum sem þurfti að leysa.
- e) Ævar fór í kynnisferð til Austurrikis í boði Hawle í janúar. Í ferðinni var margt fólk af öllu landinu og það er mjög gott að kynnast fólki sem er að vinna við sömu hlutina hér og skoða nýjungar í vatnsveitu- og lagnamálum.
- f) Búið er að panta ljós í ljósastaura og koma þau vonandi sem fyrst.
- 6) Kristinn fór yfir nokkur önnur verkefni.
- a) Búið er að ganga frá endanlegri hönnun og staðsetningu á rennibrautinni í sundlaugina og er búið að panta brautina.
- b) Ragnar, Vagn, Lúlli og Kristinn áttu fund nýlega þar sem farið var í frumdrög að hönnun á þakinu á grunnskólanum á Hellissandi. Þegar ásættanlegt útlit er komið þarf að fara í verkfræðilega hönnun á burðarvirkinu og fleiru. Ragnar ætlaði að kanna hvort það sé höfundarréttur að húsinu og hvort það þarf að fá leyfi til breytinga.
- c) Framkvæmdir voru á Gufuskálum í mánuðinum. Hreinsað var af lágþökunum og sett einangrun og dúkur yfir. Það er hins vegar ekki búið að ljúka því verki að fullu.

Eva Svends

MPG

Vagn I

[Handwritten signature]

[Handwritten signature]

- d) Fara þarf í miklar lagfæringar á þakinu á grunnskólanum á Lýsuhóli. Þar er dúkurinn mjög illa farinn og þarf að skipta um.
- 7) Kristinn fór yfir excelskjal með þeim framkvæmdum sem fara þarf í í vor og sumar. Það þarf að finna verktaka í þessi verk og tímasetja þau.
- 8) Næsti fundur verður þriðjudaginn 7. mars kl. 09:00.

Fleira ekki gert og fundi slitið kl. 10:30

Heggs Ingióttsson
Kjartanur Jónsson
Matthias Páll Gunnarsson
Einar Arnarósson.
Mia Ólafsdóttir

Ólafur Þorvaldsson

Vagn I